

Nd.

66. Frumvarp

til laga um breyting á lögum nr. 28, 3. nóvember 1915, um kosningar til Alþingis.

Flutningsmenn: Halldór Stefánsson og Árni Jónsson.

1. gr.

Á eftir fyrri málsgrein 7. gr. laga nr. 28, 3. nóv. 1915, komi ný málsgrein, svo hljóðandi:

Sýslunefnd er heimilt, þegar ástæður eru fyrir hendi, svo sem mikill kjósendafjöldi, viðátta, torfærur á leið til kjörstaðar og þvílíkt, að skifta hreppi í tvær eða þrjár kjördeildir. Skal þá hreppsnefnd ákveða kjörstaði og undirkjörstjórn skipuð fyrir hverja kjördeild. Er hreppstjóri oddviti einnar, hreppsnefndaroddviti annarar og varahreppsnefndaroddviti hinnar þriðju, ef þrjár eru, eftir ákvörðun hreppsnefndar, og auk þeirra eiga þar sæti tveir menn af öðrum kjósendum í hverri kjördeild, er hreppsnefnd kýs. Nú er hreppstjóri jafnframt hreppsnefndaroddviti, og kýs þá hreppsnefnd einnig kjörstjórnaroddvita í eina kjördeildina. Í forföllum hinna lögákveðnu kjördeildaoddvita kýs hreppsnefnd aðra í þeirra stað.

2. gr.

Í stað orðanna »bæjarstjórn skift kaupstað« í öðrum málslíð 9. gr. laganna komi: Kaupstað eða hreppi verið skift.

3. gr.

Í stað orðanna »hinn fyrsti vetrardagur« komi: laugardagurinn í 12. viku sumars.

4. gr.

Í stað orðanna »er gert geta seðilinn þekktanlegan frá hinum seðlunum« í 36. gr. komi: er ætla má, að gert sje til þess að gera seðilinn þekktanlegan.

Aftan við sömu grein komi ný málsgrein, svo hljóðandi:

Ógildur er seðill í tvímenningskjördæmi, ef að eins einn er kosinn.

5. gr.

Í stað orðanna »3 klukkustundir« í fyrri málsgrein 38. gr. komi: 5 klukkustundir.

6. gr.

Breytingar þær, sem með lögum þessum eru gerðar á kosningalögnum, skal færa inn í texta laga nr. 28, 3. nóv. 1915, og síðan gefa lögin, þannig breytt, út í einu lagi.

Greinargerð.

Frv. þetta til breytinga á kosningalögnum er samhljóða frv. því um sama efni, sem Nd. afgreiddi á síðasta þingi, en Ed. afgreiddi til stjórnarinnar með rökstuddri dagskrá. Ástæður fyrir frv. eru þær sömu og þá, og þær kunnar hv. þingdeild frá meðferð málsins. Látum við nægja að vísa til þess.